

外科證治全書

外科證治全書卷二

環峯許克昌倫聲

同輯

木末畢 法蒼霖

鼻部證治

鼻柱癰

鼻痔

鼻贅

肺風粉刺

鼻疔

鼻瘡

鼻齕瘡

鼻淵

鼻衄

鼽鼻

鼻毛癰

筋脈

山根

一名下極卽俗所謂鼻梁是也

足陽明胃脈交山根

面王

在鼻下相家曰準頭亦曰明堂

足陽明胃脈起面王筋亦結面王旁

外科
鼻孔

即面王兩旁一名鼻隧

手陽明大腸脈挾鼻孔手太陽小腸脈

抵鼻孔足太陽膀胱筋結鼻孔

鼻柱癰

生鼻柱屬督脈經鼻爲肺竅故又屬肺色紫腫破時覺木痛多由鬱火壅結初宜服千金漏蘆湯宣解鬱毒次用仙方活命飲加梔子木通薄荷桔梗消之如勢欲潰膿案陽癰則例潰後治法

千金漏蘆湯

漏蘆

一兩

枳殼

一兩麩炒

樸消

一兩

大黃

一兩五錢

生甘草

一兩

麻黃

一兩

黃芩

一兩

白欬

一兩

連翹

一兩 去心

升麻

一兩

右共研末每用三錢水一鍾薄荷葉一錢煎五分溫服以取便利爲度

仙方活命飲

通用一

鼻痔

一名瘰肉痔癰

生鼻孔內如肉贅下垂色紫微輒撐塞鼻孔氣息不通香臭莫辨或臭不可近痛不可搖此厚味擁溼熱蒸于肺門如雨霽之地突生芝菌也內服加味瀉白散外用黃白散點之戒酒腥暴怒

加味瀉白散

桑白皮

生

地骨皮

各三錢

生甘草

八分

桔梗

辛夷

各二錢

黃芩

陳皮

木通

各一錢五分

右水煎食遠服一方加山梔仁生研一錢

黃白散

輕粉

杏仁

去皮尖

白礬

雄黃

各一錢

麝香

少許

右五味用乳鉢先研杏仁如泥後入雄礬麝香同研極

細瓷器收貯患者於臥時用筯頭蘸米粒許點瘰肉

上一日臥點一次半月效

千金瘰肉方

存驗

瓜蒂

華陰細辛 等分

右爲末綿裹少許塞鼻中一方加枯礬雄黃等分麝香
少許

鼻鼈

一名酒鼈鼻

鼻準及鼻兩邊紅赤係陽明血熱好酒者多得此病肺受
熱鬱所致亦或血熱遇寒汗濁凝結見紫黑色治宜化
滯血生新血四物湯加酒芩紅花生甘草陳皮赤苓煎
好入陳酒一杯調五靈脂末二錢熱服氣弱者加黃耆
酒炒三五錢如不好酒者肺風致病不用五靈脂加防風
荆芥外俱用硫黃膏臨臥洗面淨塗

硫黃膏

硫黃

白芷

天花粉

水粉

各五分

全蝎

一枚

芫青

七箇去頭足翅

蟬蛻

五箇

右爲細末用麻油一酒盃黃蠟一錢許熬勻離火方入

前藥末和勻每於臨臥時洗面淨以少許塗面勿近

眼數日閒腫處自平赤鼻一消如退風刺一夕見效

硫黃散

存驗

硫黃

輕粉

各一錢

杏仁

五分

右爲末用蜜酒調於臥時塗上次早洗去效或用津唾調搽更妙

附石殿撰鼻鼈方 存驗

天台烏藥

三錢

銅綠

三錢

樟腦

三錢

大楓子

二兩

右爲細末將大楓子仁去殼搗如泥入瓷罐內隔水重湯煮三炷香取出炸油和藥搽鼻患處二次卽愈此藥極效未搽時與搽後皆戒酒色一月除根不發搽後患處腫痛勿畏

肺風粉刺

面鼻起碎紅疙瘩形如黍屑破出白粉汁宜用硫黃膏洗面後塗之數日愈

硫黃膏

見前鼻鼈

鼻疔

生鼻孔內腫脹痛引腦門寒熱交作甚則脣腮俱浮腫須速治宜服奪命湯奪命丹更以奪命丹研細吹鼻內

奪命湯

奪命丹

俱見發無定處疔瘡內

鼻瘡

生鼻竅內狀如粟米初覺乾燥疼痛甚則鼻外色紅微腫痛似火炙乃肺經壅熱上攻內用黃芩湯清之外用辰砂定痛散搽鼻內如乾燥者以麻油頻潤之

黃芩湯

黃芩

二錢酒炒

桑皮

三錢生

梔子

一錢五分連皮酒炒 桔梗

赤芍

連翹 各一錢

薄荷 一錢五分

生甘草

五分

右水煎食後服

辰砂定痛散

辰砂

五分末

石膏

一兩煨

胡黃連

五錢

冰片

二分

右共研極細末生地汁調搽鼻中或麻油調亦可

鼻齧瘡

多生小兒鼻翅兩旁色紫斑爛膿汁浸淫痒而不痛乃肺經風熱內服澤瀉散外搽青蛤散即愈

澤瀉散

澤瀉

鬱金

生山梔仁

生甘草

各一錢

右水煎或爲末開水調服

青蛤散

蛤粉

石膏 各一兩

黃檗 生末

輕粉 各五錢

青黛 三錢

右共研細末先用香油調成塊次加涼水調稀塗瘡上

鼻淵

鼻流濁涕經年累月不止當別寒熱涕臭屬熱膽移熱于腦風寒伏鬱所致用奇授藿香丸涕清不臭覺腥者屬虛寒用八味地黃丸加川芎升麻蒼耳子所以用腎藥者腦屬腎也又有虛暈腦痛不出水者卽控腦砂有蟲

食腦中用天蘿散外以桃葉作枕枕之自愈

奇授藿香丸

藿香連枝葉

八兩

右研細末雄雞膽汁和丸如桐子大每服五錢食後蒼耳子湯下或清酒送下

天蘿散

絲瓜藤

近根處者燒存性

右爲末每服三錢食後清酒送下

八味地黃丸

通用四五五

鼻衄

陰虛火動氣逆于肝血隨鼻出不甚不足慮甚而久者與吐血無異治宜涼血行血用黃芩白芨各二兩水丸服之神效如不甚只用外治一用水紙搭鼻衝責其火在胃也一用涼水拊後頸責其火在膀胱也一用綫紮中指左衄紮左右衄紮右左右皆衄左右皆紮責其火在心胞絡也皆治鼻衄捷法

鼽鼻

鼻竅常塞不聞香臭用鐵鎖在石上磨取末豬脂調綿裹塞鼻內又方用乾薑爲末蜜調塞鼻

鼻毛癰

鼻毛一晝夜忽長一二尺漸粗圓如繩摘去更生痛不可
忍因食豬羊血過多所致用硃砂乳香飯丸早晚水下
十粒自落

耳部證治

銳毒

膿耳

停耳

盯耳

耳痔

耳菌

耳挺

耳疔

內傷耳痛

耳鳴

暴聾

旋耳瘡

耳衄

百蟲入耳

筋脈

耳中

腎氣通耳耳中病責在腎

手太陽小腸足少陽膽手少陽三焦脈

俱入耳中

耳前足陽明胃脈上耳前筋結耳前足少陽膽脈手少陽

三焦脈俱走耳前三焦脈從耳前屬目

耳後手太陽小腸筋足太陽膀胱筋俱走耳後完骨足陽
明胃脈之支足少陽膽脈手少陽三焦脈俱過耳後

銳毒 一名耳後毒

發在耳後宜別陰陽治之患色白者案陰疽例治患色紅
者案陽癰例治如發耳垂後名耳根毒辨治亦然

膿耳 停耳 疔耳

耳孔內時出膿曰膿耳赤腫潰爛流膿曰停耳膿溼結塊
塞耳暴聾曰疔耳皆內火攻沖鬱聚不散歸芍地黃湯
熟地易生地 加山梔仁柴胡主之甚者用龍膽瀉肝湯
白芍易赤芍 加柴胡外俱用紅棉散

一有耳忽大痛如有蟲在內奔走或血水流或痛不可忍者用蛇蛻燒灰存性研細末鵝翎管吹之立愈
紅棉散

海螵蛸

枯礬

各三錢

乾燕脂

一錢五分
燒存性

麝香

五分

右共研細末瓷器收貯聽用每少許吹入耳內或搽潰爛處俱效

膿耳方

存驗

菖蒲根

水洗淨

右搗取汁先用棉掟捲乾耳內膿然後將菖蒲汁灌入

盪洗數次即愈

耳方存驗

地龍糞

釜底墨

生豬脂

右共搗勻蔥汁和捏如棗核綿裏塞耳潤則換

歸芍地黃丸

通用三七

耳痔

耳菌

耳挺

三證皆生耳竅內耳痔形如櫻桃亦有形如羊奶者耳菌形如蘑菇頭大蒂小耳挺形如棗核細條而長努出耳內皆係肝腎溼熱鬱於血分所致以脾胃主九竅故也微腫悶疼色紅皮破偶一觸犯痛引腦顛內俱用加味逍遙散甚者龍膽瀉肝湯外用雞矢白炒研敷之或黃

白散點之漸漸消化又方以火酒滴人仰之半時即可
箱出

加味逍遙散

通用十六

龍膽瀉肝湯

通用九

黃白散

見前鼻部鼻痔

耳疔

一名黑疔

生耳竅暗藏之處色黑形如椒目疼如錐刺引及腮腦破
流血水急服奪命湯外用蟾酥雄黃等分爲末水和濃
滴入耳內

奪命湯

見發無定處疔瘡

內傷耳痛

耳內不膿不腫只作乾痛或作痒或出水或經年不愈或

交接便發此皆肝腎二家虛火爲病加減八味丸主之

加減八味丸

通用
四十六

耳鳴

耳鳴者耳中有聲或若蟬鳴或若鐘鳴或若火煇煇然或若流水聲或若簸米聲或睡著如打戰鼓如風入耳皆因腎元虧損肝木疏洩陰氣升至竅竅隔一膜不能越出竅外止於竅中汨汨有聲故外入之聲爲其內聲所混聽之不清服攝陰煎脾胃弱者兼服補中益氣湯一有因怒而鳴者乃三焦氣逆小柴胡湯加當歸川芎山梔仁主之

攝陰煎

活磁石

一兩

地黃

首烏

龜版

鼈甲

各五錢

山茱萸肉

白芍

山藥

各二錢

五味子

一錢五分

右水煎二次去渣食前溫服治元陰虛損高年逆上之

氣屢有奇效如爲丸將方內磁石減半龜鼈首烏各

減二錢依方合十劑水跌爲丸每清晨淡鹽湯下五

六錢

補中益氣湯

通用三十

小柴胡湯

通用十四

暴聾

外和諸論全書 卷二
十一
暴聾者猝然閉塞無聞腎氣虛脫則有之亦或三焦氣逆
氣鬱而然者其證必闕闕焮焮脹悶煩熱四物湯加柴
胡山梔中氣弱者加減歸脾湯亦或肝膽風熱上攻而
然者其證必兼頭痛小柴胡湯加川芎歸身山梔仁亦
或因損傷挖傷雷礮震傷患停耳潰膿不止等證而聾
者則宜用開通之法如腎虧精脫或年衰或病後或勞
倦過度或大恐氣結漸至耳聾者須大培根本用八珍
湯地黃丸補中益氣湯之類然多難愈

開通法

一用酒浸鍼沙一日至晚去沙將酒含口中取活磁

石一塊塞耳左聾塞左右聾塞右此導氣古法也

一用巴豆一粒去心皮斑蝥一枚去翅足二物合搗
綿裹塞耳中再易甚效

一用大蒜一瓣中剗一孔以巴豆一粒去皮膜慢火
入蒜內炮極熟用新棉包定塞耳中三次效

一用全蝎四十九枚以生薑厚片如數鋪鍋內置蝎
於其上輕焙薑片至黃色取蝎去毒竝頭足研爲末
酒調送下隨量飲醉取汗外取生蝎去毒爲末酒調
滴耳中聞流水聲卽愈

四物湯

通用
二十三

小柴胡湯

通用
十四

補中益氣湯

通用
三十

旋耳瘡

一名月蝕瘡

生耳後縫間延及耳摺上下色紅如刀裂之狀時流黃水
乃膽脾溼熱用穿粉散搽之即愈

穿粉散

輕粉

隔紙微炒研

穿山甲

炙

鉛粉

黃丹

各三錢飛用

右共研細末香油調搽

附方

存驗

胡黃連

右一味研細末麻油調搽

耳齙

耳竅中時流鮮血肝腎火升所致用地芩飲或六味地黃湯加山梔仁赤苓外用蒲黃炒黑研末糝入卽止地芩飲

生地黃

一兩

黃芩

二錢酒炒

右加青荷葉五錢水煎去渣微溫服

六味地黃湯

通用四十三

百蟲入耳

凡蟲偶入耳中以生薑擦貓鼻其尿自出取尿滴入耳內蟲卽出或用米醋滴入其蟲不出亦死用細蘆管入耳吸之蟲隨出

一蜈蚣入耳用香雞肉置耳邊豬肉炙香亦可

一飛蛾入耳用雞管極氣吸之或擊銅器於耳邊

一蟻入耳用韭汁灌

一蜒蚰入耳用鹽撒耳內卽化水或以苦酒注入

一螞蝗入耳取田中泥一盆枕耳聞氣卽出

一磕頭蟲

其蟲案其後卽磕頭有聲

入耳灌以生油卽出不可殺之

一蚤虱入耳用菖蒲末炒熟袋盛枕之

一蛆蟲入耳用杏仁搗爛取油滴入不出卽死

一水銀入耳用金銀箸耳邊卽出

一水入耳中用薄荷汁滴入立效

口部證治

口糜

口瘡鵝口

口菌

連珠疳

口疳

螳螂子

口毯

懸癰

筋脈

口脾氣通口口之四周爲吻

足陽明胃筋脈俱挾口手陽明大腸脈出

兩吻

涎俗名口水脾主之脾虛不能約束則涎自出脾損發熱則涎

泛濫

口糜

滿口糜爛色紅作痛口乾舌燥甚者腮舌俱腫初宜服導

赤湯加麥冬五味子薄荷如斑爛延及咽喉不能飲食
日輕夜重者用蘇子利喉湯如口臭洩瀉脾虛溼熱者
用連理湯如口燥大便秘屬虛熱用補中益氣湯加麥
冬五味最善或兼服六味地黃丸以滋化源外俱用珍
珠散擦之

連理湯

人參

白朮

各二錢炒

乾薑

一錢

黃連

一錢

甘草

炙一錢

右水煎熱服

導赤湯

通用

補中益氣湯

通用

蘇子利喉湯

見後喉癰下

六味地黃丸

通用四十三

珍珠散

見後喉痹

口瘡

滿口白色斑點甚者陷露龜紋口乾不渴此屬心腎不交
虛火上炎宜服歸芍地黃湯加麥冬五味子或少加肉
桂以爲向導從治之法也外吹珍珠散如舌乾黃鞭或
熱從腳起乃無根之火宜服加減八味丸以滋化源

一初生小兒口內滿生白屑名鵝口一名雪口先用棉
蘸水絞去口中白屑以珍珠散頻吹內服犀角汁卽
愈

口瘡神效方

存驗

吳茱萸

右爲末米醋調敷兩足心一夜卽愈不拘多少小兒累用神驗引虛火歸元之功也

附方 存驗

用陳白螺螄殼燒灰加兒茶少許爲末吹患處一次卽愈諸疳悉治

歸芍地黃湯

通用三十七

加減八味丸

通用四十五

珍珠散

見後疾癰

口菌

多生在牙齦肉上隆起形如菌或如木耳紫黑色火盛血熱氣滯而生宜內服加味甘桔湯外吹珍珠散如火鬱

火熾則生舌上治法詳見舌部

加味甘桔湯

甘草

生三錢

桔梗

荊芥

牛蒡子

炒

貝母

去心

薄荷

各一錢五分

右水煎服如內熱盛或飲食入口卽吐者加黃連一錢

如口渴唇焦舌燥便秘溺赤者加生地黃芩山梔仁

如有腫處加金銀花五錢

珍珠散

見後喉癰

連珠疳

舌下生水泡初起一枚漸發至七八枚刺破吹珍珠散

口疳

一名脾癰

有經年不愈者有時愈時發者皆因素食肥甘所致食肥多熱食甘滿中其氣上溢生疳用天冬麥冬元蘆等分白蜜丸彈子大不時取一九入口噙嚥久服自效外吹珍珠散

一小兒口疳用生香附生半夏等分爲末雞子白調作餅貼男左女右腳心一周時愈

珍珠散

見後喉癰

螳螂子

小孩腮內生一紅塊不能食乳名螳螂子用生地五錢酒

浸搗爛塗腳心男左女右外用布縛好乾則易之至愈乃止

小兒口内生黃馬牙卽螳螂子口噤頰腫證重者以鍼微刺患處出血卽用京墨磨塗立愈

附驗

口毬

口内生肉毬有根綫長四五寸餘吐毬出方能飲食以手輕案痛徹心腑每日用生麝香一分水調頻服之三曰根化卽愈

懸癰

一名上腭癰

生於上腭形如紫李脾經蘊熱所致不急治恐毒氣上攻

頭腦則不可救宜用銀鍼鍼破癰頭用鹽湯攪淨瘀血

吹珍珠散內服加味甘桔湯

加味甘桔湯

見前口苗

珍珠散

見後喉癰

脣部證治

脣癰

脣疔

繭脣

脣風

脣瀰

脣裂

脣瘡

缺脣

筋脈

脣

脾胃肝三經所主

脾之榮在脣四白足陽明胃脈環脣足厥陰

肝脈環脣

謹案榮應作華素問曰其華在脣四白

脣癰

生於脣不拘上下左右大者如李小者如棗色紫有頭腫
鞭疼痛甚者寒熱交作內用仙方活命飲外敷蟬蛸散
即消

仙方活命飲

通用

螵蛸散

通用
六十八

唇疔

一名反唇疔
一名鎖口疔

生上下唇角初起形如粒米堅鞭腫盛癰痒木痛憎寒發熱甚則令唇外翻或口不能開故有反唇鎖口之名須案疔瘡法速治之遲則走黃致命

繭唇

唇上起白皮小泡漸腫漸大如蠶繭或唇下腫如黑棗燥裂痒痛皆七情火動傷血治宜補脾氣生脾血則燥自潤火自平腫自消補中益氣湯加梔仁芍藥丹皮最妙或加味歸脾湯亦妙外用紫歸油頻潤之如日久失治

誤服清火之藥多致翻花不治

紫歸油

紫草

當歸

右等分麻油熬去渣出火氣以棉蘸油頻頻潤之

補中益氣湯

通用三十

加味歸脾湯

通用三十一

脣風

一名脣疳

多在下脣初發痒紅腫日久破裂流水疼如火燎似無皮之狀此脾經血燥也如風燥則不時瞤動四物消風飲主之

宜倍用歸地

外用紫歸油頻抹愈

四物消風飲

通用八

紫歸油

見前繭脣

唇瀰

溼爛曰瀰脾家溼熱內用白朮散外取葵根燒存性研末

豬脂調塗

白朮散

白朮 三錢 微炒

雲苓 二錢

薏苡仁 五錢 炒 鮮石斛 四錢

葛根 二錢

木瓜 五分

生甘草 五分

右加石蓮肉二十枚水煎溫服

唇裂

唇上乾燥漸裂開縫作痛係脾熱以紫歸油潤之內服滋

唇飲

滋脣飲

生地黃 四錢

鮮石斛 三錢

竹茹

石膏 生研

當歸

白芍 各二錢

生甘草 一錢

右水煎去渣加白蜜少許和服

紫歸油

見前
齒脣

脣瘡

蟲食肛上脣生瘡聲必啞蟲食臟下脣生瘡嚙必乾皆因
腹内生熱而食少者腸胃空虛三蟲求食之故用烏梅
湯主之亦有氣鬱生瘡者則無聲啞嚙乾之證用飯上
滴下氣汗水塗之如神白荷花瓣貼之亦效

烏梅湯

烏梅

三枚
醋浸

黃連

一分
一錢二

乾薑

一錢

犀角

二錢

木香

八分

雄黃

一分
一錢五

人蔞

二錢

桃仁泥

八分

右水煎頓服

缺脣

先敷麻藥用刀刮取兩邊薄皮用絲縫在一處以蟹黃敷

之自收口

麻藥

備用

齒部證治

牙癰

齒痛

齒齲齒齩

骨槽風

牙疔

牙齲

牙齲

牙齲

牙漏

蟲疳

走馬牙疳

齒豁

牙縫脹

髓溢

馬牙

取齒牙

筋脈

齒牙

內狀曰齒外板曰牙皆骨之餘故齒牙屬腎

足陽明胃脈入上齒縫中手

陽明大腸脈入下齒縫中

牙癰

一名牙蟻風又名牙疔

生牙根肉上不拘上下內外其狀高鞭小塊或如豆大紅

腫疼痛宜用鍼刺出毒血以珍珠散吹之內服龍膽瀉肝湯

龍膽瀉肝湯

通用九

珍珠散

見後喉癰

齒痛

齒痛多在內牀內牀主嚼勞而易傷若是腎虛搖動不痛痛則必是風火蟲風從外入火自內出蟲又風之所化而風痛俱多內服牙疼飲用二辛煎漱之即愈

一有因食蟹致齧腫肉弩出者用生地汁一碗以豬牙

皁蘸炙汁盡爲末敷之即愈

牙疼飲

石膏四錢 研

升麻一錢五 分

大生地五錢

防風

薄荷葉

荊芥穗

前胡

天麻各二錢

甘草一錢 生

右水煎食後熱服避風如牙腫加金銀花羌活各二錢
如牙燥去升麻前胡加元蔞一錢五分如牙爛去前
胡天麻加木通梔仁各一錢五分

二辛煎

北細辛五分

石膏五錢

右二味爲粗末濃煎頻漱卽愈不可嚥下

齒齲齒齲

齒齲齒齲皆屬蟲。齒齲齲內腐爛出膿血。齒齲牙黑不腐爛。不出膿血。以此爲別。皆係腸胃溼熱鬱久生蟲。凡齒齲齒碎。齲齲齲痛。不齲則微痛齲痒。又或痒或脹痛。忽然而止者。皆蟲齲之故。與風火大異。用五靈脂如米大齲在痛齒上。少頃溫水漱出。必有蟲。又靈升散最妙。遇蟲痛塞痛處少許立愈。

靈升散

一名升丹

樟腦

五分

川椒紅

一撮

右藥等分研碎放銅杓內茶鍾蓋上稠麪封四圍勿令走氣放風鑪上微火升之少頃覺樟腦氣透出卽取

安放地上候冷揭開藥俱升在茶鍾底刮下入瓷器
密貯聽用

熏蟲牙法 驗過

用撒盆一箇盛水少許中覆一粗碗取瓦片煨紅置
碗底上放韭子一撮清油數點待煙起用竹筒上口
小下口大如喇叭式罩碗上以上口對痛齒熏之良
久煙盡以溫水漱吐必有小蟲出未盡再熏

骨槽風

牙骨及腮內疼痛不腫不紅痛連臉骨者是也加味二陳
湯入陽和丸主之甚者用陽和湯數劑卽愈此證初起

往往有誤爲牙疼而用涼藥者致牙齦蝕爛透骨穿腮延及咽喉則不救宜急用陽和湯犀黃丸每日早晚輪服外用南星散搽之如有多骨以推車散吹入隔一夜其骨不痛自出吹至次日無骨退出用生肌藥服保元湯加肉桂芎歸收功

南星散

用天南星一枚挖空入雄黃一塊麥麴包裹火燒俟雄黃融以杯合定遠火俟冷去麴研末加麝香一分研拂患處

加味二陳湯

通用十八

陽和丸

通用六

陽和湯

通用五

犀黃丸

通用
四十八

推車散

通用
六十六

保元湯

通用
二十八

牙疔

又名穿牙疔

先一二日牙痛寒熱交作後痛更甚牙縫齦上發一紅粒齦肉皆紫黑者是也痛引腮項若兼痒麻破流血水用銀鍼刺之搽拔疔散服奪命湯如失治則走黃不救矣

拔疔散

見疔瘡

奪命湯

見疔瘡

牙齦

牙齦盡腫宣露于外或衄血不止清胃散加薄荷忍冬藤主之外搽珍珠散

清胃散

石膏

四錢生研

生地黃

四錢

丹皮

一錢五分

黃連

一錢

黃芩

一錢

升麻

一錢五分

甘草

一錢或五分生

右水煎去渣熱服

珍珠散

見喉部
喉癰

牙齦

一名牙宣

齒縫出血無論大人小兒當別虛實治之陽明實熱則血出如湧口必臭而牙不動清胃散主之陽明壅實之甚口渴便秘而齦不止者用調胃承氣湯入童便和服下黑糞即愈然必便秘口渴燥熱方可用如陽明虛熱牙齦腐爛血水滲流不已者以葛湯主之或補中益氣湯

加山梔丹皮如腎陰不固虛火上熾口不臭牙不痛但
搖動不堅或微痛不甚而牙縫點滴出血者治宜滋腎
六味地黃丸加猴薑主之或有陽虛火浮者則宜用加
減八味丸加猴薑隨手應效如小兒疳積氣盛者必兼
服蘆薈丸外俱用小薊散擦之

調胃承氣湯

大黃

三錢酒製

元明粉

一錢五分

甘草

一錢

枳殼

一錢五分

右水煎去渣入元明粉溶化頓服

二蘆湯

人蘆

元蘆

等分

右水煎溫服一加麥冬甘草

小薊散

小薊

百草霜

蒲黃炒

香附醋製

右等分研細末用擦牙上半刻以溫茶漱之

又方存驗

青竹茹

右一味醋浸一宿含漱甚效

清胃散見前

補中益氣湯通用六味地黃丸通用

加減八味丸通用

蘆薈丸見後陰門

牙齦

生於牙盡齧中牙關緊閉此證初起勢甚危夜尤甚然不難愈先用珍珠散吹牙齦外用黃熟香附削釘漸漸搗進牙門漸開即將珍珠散吹患處

珍珠散

見喉部
喉癰

牙漏

患牙證久不愈齒縫出膿甚致齒落如上邊左門牙落則不治外吹珍珠散內服滋陰降火之劑歸芍地黃湯加元瀋麥冬

珍珠散

見喉部
喉癰

歸芍地黃湯

通用
三十七

蟲疳

齙腫出血疼痛臭穢惡寒惡熱此皆腸胃溼熱爲患兼風
則開口呷風更痛積熱則臭穢難近宜用清胃散去黃
連加歸身元蔘各二錢風加防風臭加山梔又要知喜
寒惡熱胃血受傷用此方固佳若惡寒喜熱胃氣受傷
必用補中益氣湯外俱擦珍珠散

附方 存驗

胡黃連

五分

膽礬

兒茶

各一分

右共研細末擦之治牙齙疳爛立效

清胃散

見前牙齙

補中益氣湯

通用三十

珍珠散

見喉部

走馬牙疳

初牙閒紅腫漸變紫黑腐爛臭穢此係胎毒或痘毒殺人最速一日爛一分兩日爛一寸走馬喻其速也鼻梁上發紅點如珠則不治上唇左門牙落者死急服清胃散外以童便漱其毒赤霜散吹之雖致延爛穿腮不堪危險之候竝效

赤霜散

用紅棗一枚去核入紅砒如黃豆大一粒紫好放瓦上炭火炙至棗枯煙盡爲度取起蓋熄俟冷加冰片一分研吹立效

又方

存驗

用白馬前躡修下之腳皮炙炭存性爲末加冰片少許吹患立愈

清胃散

見前
牙齦

齒豁

牙牀不痛齒疏豁動搖脫落係腎虛六味地黃湯加枸杞續斷猴薑主之外用青鹽二兩食鹽四兩川椒煎汁拌鹽炒乾研末常以擦牙永無齒疾

牙縫脹

滿口牙齒浮而脹不能齧嚼此元氣大虛補中益氣湯十全大補湯酌用

補中益氣湯

通用三十

十全大補湯

通用二十六

髓溢

牙齒長出分餘漸至難食名髓溢用白朮煎湯漱服又方
常咋生地黄炒

馬牙

初生小孩牙齒齦有白色如脫骨者是將發此毒卽打嚏日
日要挑珍珠散吹之

珍珠散

見喉部

取齒牙

活鯽魚一尾約重十兩以白砒一錢八魚腹放無風無貓

外科諸症全書 卷二
犬處七日魚身發出白毛用雞羽拂毛以少許膏藥收之每遇病牙取些微膏藥貼其上片刻卽落

附固齒方

採旱蓮草洗淨每斤用青鹽四兩淹十日取出曬乾爲末每日早晚擦牙

舌部證治

紫舌脹

重舌

痰包

舌疔

舌菌

舌核

舌衄

舌吐不收

舌尖敲去

筋脈

舌爲心苗舌根爲舌本

足太陰脾脈連舌本散舌下足少陰腎脈

挾舌本足太陽膀胱經結舌本手少陽三焦脈繫舌本

紫舌脹 一名木舌

舌腫色如豬肝脹塞滿口堅硬疼痛不能轉動粥藥不入
乃心脾壅熱先用衣鍼繫筋頭上露分許當舌尖或舌

兩旁刺出紫血舌之下不可刺恐傷舌繫傷則不能收
功次用筋捲棉蘸甘草湯潤其唇旋蘸生蒲黃細末在
舌四旁頻擦至腫消舌軟方止內服九味敗毒湯
九味敗毒湯

黃連

荊芥

黃芩

連翹

牛蒡子

薄荷葉

木通

山梔 各一錢

甘草

四分生

右加銚心一撮水煎去渣溫服

附方

存驗

雄雞冠血浸舌嚥下即消

重舌

一名子舌
又名重舌

舌之下血脈脹起如小舌狀故名不可用鍼刺宜用桑皮
鹽蠶髮灰等分末醋調厚敷舌下或珍珠散吹之又方
用繡鐵鎖燒紅打下鐵繡研末水調一錢噙嚥

痰包

生舌下結腫如匏棉軟不鞭塞脹舌下有妨飲食言語色
黃作痛不安乃痰飲熱氣凝注舌絡宜用小剪將包剪
破則出痰涎如雞子清稠黏不斷拭淨搽珍珠散服二
陳加芩連薄荷湯忌煎炒火酒等物

二陳加芩連薄荷湯

陳皮 二錢

半夏 二錢

扶苓 二錢

甘草 一錢

黃芩 一錢

黃連 五分

薄荷 一錢五分

右水二鍾煎八分食後服

珍珠散

見後喉部喉癰

舌疔

舌生紫泡其形如豆堅鞭寒熱疼痛應心宜服奪命湯倍黃連煎好含口徐徐嚥之或再服奪命丹三粒以解蘊毒

奪命湯

奪命丹

俱見發無定處疔瘡下

舌菌

一名舌痔一名舌芝

其證生舌上初如豆次如菌頭大蒂小亦有如雞冠樣者妨礙飲食言語諸書云是心脾鬱火實熱亦有不盡然者如色赤疼痛口渴煩燥或舌紫腫脹時流臭涎或因怒氣上沖忽崩裂血出不止此可作鬱火治用瓷鋒刺破菌處擦北庭丹以蒲黃末蓋之內服九味敗毒湯加犀角汁少許連服數劑自然縮愈如色白木木然不甚痛舌上枯白口不作乾或舌本強鞭短縮或兼項領結核外勢頗類喉風但喉風咽喉常腫湯水不能下嚥此症嚥喉不腫湯水可以下咽多緣心境不佳元氣虧損若誤服寒涼則致爛開透舌穿腮湯水漏出又名爲瘰

癰風百無一生總因偏執清火敗毒故耳初起治法以
補中益氣湯加桂枝白芍或歸脾湯潰爛者用犀黃丸
十全大補湯輪服多獲全愈故辨證不可不明

北庭丹

礪砂

人中白

各五分

瓦上青苔

瓦松

塘雞矢

各一錢

右用傾銀罐子一箇將藥裝入罐內鹽泥封固入炭火
煅紅取出俟冷加麝香冰片各一分研細末收瓷瓶
聽用

九味敗毒湯

見前紫舌脹

補中益氣湯

通用三十

歸脾湯

通用三十一

犀黃丸

通用
四十八

十全大補湯

通用
二十六

舌核

舌上生核強鞭作痛宜用衣絨點破以冰硼散擦之內辨

寒熱虛實用藥

冰硼散

冰片

五分

硼砂

五分

共研細末瓷瓶密貯每用少許搽擦瘡處如咽喉腫痛
竝效一方有元明粉五錢硃砂五分

舌衄

舌上忽生孔血出如縷由心脾腎三經火鬱而然用槐花

外科諸論卷二
三
炒研末敷之自止內服導赤散如血出舌鞭者用小薊
搗汁和酒服乾者爲末冷水服

舌吐不收

舌出數寸連日不收者有傷寒產後中毒大驚四種傷寒
用冰片末擦舌上則應手而收病重者用五錢方愈產
後用硃砂末敷舌上仍令作產子狀以二女掖之乃于
窗外潛累盆盎置危險處墮地作聲令患者驚聞卽收
如中毒舌忽脹出口外用雄雞血浸之或冬青濃煎汁
浸之受驚者驚定則收

舌尖敝去

用螃蟹一隻搗爛取汁以雞毛拖汁掃上卽長或以栗子一箇去殼同搗噙口內亦好如無生蟹則用蟹殼煨存性研極細糝上亦可漸漸長完

附接舌仙方

用馬蘭花根

如天門冬樣

螃蟹共搗爛陰陽瓦焙乾爲末

敷之七日可長成或用熟蟹黃同馬蘭根搗爛陰乾爲末敷之效更速

喉部證治

喉痺

喉癰

乳蛾

鎖喉

喉閉

纏喉風

喉菌

喉珠

喉瘤

喉癰

喉癭

喉中腥臭

咽喉痛

梅核氣

骨梗類

誤吞類

筋脈

喉嚨

喉在咽前通肺主出氣故喉嚨日肺系又日喉氣通天

足陽明胃足少陰腎二

脈循喉手少陽三焦脈由喉

咽

咽在喉後通胃主納食胃口在膈膜下咽至胃長一尺六寸通胃之咽門咽門下有膈膜故咽氣通地

少陰心足太陰脾二脈挾咽手太陽小腸脈循咽足厥

陰肝脈循咽後

噎咽之低處曰噎

會厭音聲之戶曰會厭當咽上司開闔掩喉食下

辨證大畧

咽喉之地尤為亟證咽喉噎會厭為飲食氣息之道路四

緊之地當頃刻而痛難忍實係寒生寒生者陰寒也外象似熱內係真寒

治當引火歸元如方中桂薑湯歸源丹是也婉轉而痛方騰乃為熱病熱病者風

熱也風無熱不熏熱無風不熾治當疎風降火如方中蘇子利喉湯黃連清喉飲是也

之火燄因陰生龍雷之火虛火也龍雷之性必陰雲四合然後遂其升騰之勢得雨益熾若天

清日朗則退藏不動矣人身腎中之相火亦猶是平素不能節慾致命火衰腎中陰盛龍火無藏身之地暴越

於外則現頃刻急證
如喉痺之類是也
燎原之火熾出漸著
燎原之火凡火也積薪其

草之中初得一點凡火熻熻然其勢不覺殊不知由熻熻而至於發燄由發燄而至於炎炎遂不可止遏不可

響邇在人身或為外邪所傷或為內虧所致津枯液竭邪熱灼熾蓋非一朝一夕之故如喉癰喉蛾之類是也

經云驟起非火緩起非寒
此引靈樞內經之旨以證辨

當其未動不知其為火也及其一發暴不可禦故病則驟起若夫五行有形之陽火熻熻至於燎原逐漸而甚

故病則緩起火指陽火寒指虛火蓋驟起緩起之閒正有陽火陰寒之別也
虛寒實熱識透

者獲濟
虛寒宜溫補實熱宜涼洩識病有危微之辨用藥有天壤之殊故治病非難識病惟難耳能於

虛實寒熱之閒辨得明識得透
是在明睿之士知所區

別乃隨所投而無誤耳
陰寒之證誤投陽火之藥則致頑痰塞滿口鼻聲如曳鋸呼吸

閉絕而死陽火之證誤投陰寒之藥則致咽喉腫閉潰爛舌如紫茄飲食廢絕而死噫毫釐千里性命繫焉豈

外和諸方全書卷二
可視醫爲小道哉苟隨證知所區別
投藥百無一誤非明睿之士不能

喉痺

痺者不仁也驟起也危極之證痰在喉中作響響如打鼾
鼻色白而不腫諸書皆稱肺絕不救蓋緣誤服寒涼以
致死耳如果用桂薑湯服之立愈倘喉內痰邪塞滿舌
有痰護此痰不出聲如曳鋸惟誤服寒劑方有是證遲
則痰塞鼻內氣無出入卽死急取鵝毛一根黏釐許桐
油入喉一捲則痰隨油吐出進桂薑湯或歸源湯

桂薑湯

肉桂

炮薑

甘草

各五分

右共歸碗內取滾水沖入更將碗燉於滾水中掉藥口
許慢慢嚥下立愈

案此方專治頃刻而起前無恙者此陰火虛寒之證服之立愈

歸源湯

大附子

生者一枚去皮臍切作大片用
白蜜塗炙令透老黃色爲度

右收貯臨用取如栖一粒口含嚥津治格陽喉痺頃刻
暴痛之證立愈

喉癰

喉閒紅腫疼痛無別形狀宜先服蘇子利喉湯一劑接後
服黃連清喉飲外吹珍珠散卽愈如舌下若生一小舌
連喉腫痛爲腫舌喉癰二者相兼則因用珍珠散吹舌

根舌下及兩旁不得間斷服藥如喉癰

一咽中結塊腫痛水食不通此危證也治法如前兼服

百靈丸

一女人患喉閉腫痛乳蛾等證當問其月經調否如經閉者宜用四物湯加茺蔚子牛膝香附桃仁各二錢服之俾經脈流通喉證自愈如仍未愈服蘇子利喉湯

蘇子利喉湯

蘇子

前胡

赤芍

各二錢

甘草

桔梗

各一錢

元蔞

連翹

浙貝

各一錢五分

右水煎溫服

案此方可加薄荷二錢或一錢

黃連清喉飲

川連 一錢

桔梗

牛蒡子 炒

元蘆

赤芍

荊芥

各一錢五分

甘草 一錢

連翹

黃芩

天花粉

射干

防風 各一錢五分

右水煎熱服

此方治喉癰實火證也但喉病實火者少虛火者多不可輕試若寒必先投蘇子利

喉湯一二劑不應且有口乾便秘煩熱之證方可用

之如便洩口和雖有喉癰腫痛之甚亦祇用蘇子利

喉湯倍桔梗加牛蒡射干各錢半

治之兼服百靈丸必愈尤為善法

百靈丸

百草霜

即鍋底煤也係燒山柴草樹方是除當底及邊口不用浮面與著鐵不用取中一層收貯

小

二

三

右用煉蜜九炷實大每用一丸新汲水化服

案此方取消化積滯

火化從治之義

珍珠散

硼砂

雄精

川連

兒茶

人中白

冰片

薄荷葉

黃檗

各末等分

大破珠子

研末減半

右各末戥足共歸一處加研勻細瓷瓶密貯聽用

吹喉散

附驗

冰片

三分

殭蠶

五釐

硼砂

一二錢

牙硝

七錢五分

右共爲末吹喉神效

附刺少商穴法 · 治一切喉證腫痛凡於道路乏醫藥之處遇有喉患藥未及備宜用此法急救之

穴在手大指內側去爪甲角如韭葉刺入二分許以手自臂勒至刺處出血卽愈

四物湯

通用
二十三

乳蛾

其形圓如筋頭白色生於咽喉關上者輕生於關下者重或左有右無或右有左無曰單左右皆有曰雙雙者輕單者重用蘇子利喉湯數劑卽愈外吹珍珠散又以土牛膝絞汁含口漫嚥妙

外科諸症全書
卷二十一
急救乳蛾方

附驗

用兩手從臂上抹至大拇指閒四五下以繩紮住
男左女右以鍼刺大指縫中出血即愈

乳蛾破爛神效方

附驗

人中白

三分

冰片

二分

右共研細末吹之

蘇子利喉湯

珍珠散

俱見前
喉癰

鎖喉

喉內無蛾形痰聲不響而喉欲閉者是也治同喉蛾

喉閉

此證兩三日前卽氣急喉痛手足厥冷忽然痰壅氣閉命懸頃刻者是治同喉蛾若兩三日前並無喉恙而屬驟起者須用歸源湯或桂薑湯忌服前藥

纏喉風

喉內熱結喉外腫繞且痒且麻者是治同喉蛾

喉菌

狀如浮萍色紫生喉旁憂鬱氣滯血熱則生婦人多患之輕則半月重則月餘宜守戒忌口內用蘇子利喉湯加山梔丹皮香附兼服百靈丸外吹冰硼散

蘇子利喉湯

百靈丸

俱見前
喉癰

冰硼散

見前
舌核

喉珠

腦門生一紅綫如髮懸一黑泡大如櫻桃血絲相裏挂至咽門此肺經鬱熱所致如用刀點卽死取土牛膝活根搗汁以好醋二三滴和勻滴入鼻中三四次絲斷珠破吐出瘀血立愈

喉瘤

形如圓眼核大紅絲相裏或單或雙生於喉旁亦有頂大蒂小者由肝膽鬱怒鬱熱而成忌用刀鍼宜服益氣左金湯外以碧玉散頻點之

益氣左金湯

人蔘 一錢

陳皮

牛蒡子

各一錢五分

麥冬

一錢五分

生梔仁

薄荷葉

各一錢

苦桔梗

三錢

黃芩

二錢 酒炒

浙貝母

一錢五分 去心研

甘草

生

蘇葉

雲苓

各一錢

右加竹葉三十片水三鍾煎一鍾食遠服渣再煎服

碧玉散

礪砂

三錢

膽礬

冰片

各三分

右共研細末用時以筋頭蘸點患處

喉癰

喉間生紅絲如戈蜜紋又如秋海棠葉背不開不腫氣出

如常乾燥而痒飲食不遂乃係虛火上炎最淹纏難愈
癩瘡多生此證至喉啞則不救用青靈丹不時噙服外
以清溪祕傳礬精散吹之斯疾要清心戒慾忌鹽醬及
助火之物否則縱然見效不能除根也

青靈丹

牛黃

冰片

各一分

膽礬

三分

雄精

硼砂

兒茶

山豆根

各八分

右爲細末用白梅三枚去核共搗作十九分十日噙服
清溪祕傳礬精散

用白礬不拘多少研末取方磚一塊以火燒紅灑水

於磚上將礬末布於磚上以瓷盤覆蓋四面灰墀一
日夜礬飛盤上掃下用二錢白霜梅兩箇去核明雄
黃穿山甲炙各一錢共研細末以細筆管吹入喉內
喉癭 一名喉瘡

喉間生肉層層相疊漸漸腫起不痛有竅出臭氣廢飲食
用枸橘葉煎湯頻服消腫導毒

喉中腥臭

此肺胃熱毒用黃芩射干煎服

咽喉痛

不能納唾與食此爲地氣閉塞屬虛火蘇子利喉湯加荆

芥倍桔梗元蔞主之吹珍珠散

蘇子利喉湯

珍珠散

俱見前
喉癰

梅核氣

喉中似有物如龍眼大吞不入吐不出名梅核氣男婦皆有此證宜用甘草苦桔梗老蘇梗橘紅厚朴半夏茯苓金沸草生薑之類服之漸愈或鍼少商穴亦妙

骨鯁類

諸物梗於喉中或刺或骨必有鋒芒所以刺而不下凡下而逆者反而上之則順矣故治此者當藉飲食之勢涌而吐之使之上出則如拔刺之捷也如遲延芒刺既深

或飲食已消無可推送以致腫痛者用捕梗丸噙口化咽不十九其梗不出卽消雖梗死之人但有微氣服之必活

一諸魚骨梗用白錫糖食之自消

一魚骨橫在胃間不上不下痛楚之甚飲食不得欲死者用橄欖食之卽消或將橄欖核研末急流水調服愈

一魚鱗梗在胃間則眼中常見一小鏡子用芥醋一甌半飢啜之卽愈

一誤吞火肉骨梗於喉間引手可揣摩百計不下用南

硼砂一塊汲水洗淨含化終食間愈

一雞骨梗喉用鳳仙花根搗爛噙嚥卽下急以溫水漱
口否則損齒亦治魚骨

一蟹殼梗喉用活鴨一隻倒懸取鴨口涎半盞嚥之卽
下

一稻麥芒梗喉用紫花地丁嚼爛嚥下卽安或頻食飴
糖亦安

一桃李核梗喉用狗骨煮湯磨摩頭上

一竹木梗喉用舊鋸或秤錘燒紅淬酒熱飲之極效又
方取牛口涎開水對服卽下

一頭髮梗喉用舊木梳燒灰酒服或將亂髮燒灰存性開水調下卽愈

一鐵鍼誤入咽喉無藥可施宜取癩蝦蟆數箇將頭剝去倒垂流水以碗接之得一杯許水灌入喉中移時則連鍼吐出鍼自輭曲或用錫糖一斤食盡則便出如鍼已入腹百藥不能治用蠶豆韭菜同煮日食則隨大便出

捕梗丸

尋多年懸挂麻繩上有灰塵堆積者連繩解來用新瓦盛之炭火煨枯存性研末洋糖丸如芡實大每用

一九含在口中化下不十九其梗物不出卽消雖梗死之人但有微氣服之必活

案此方治諸骨梗喉極效

誤吞類

誤吞銅錢多食葶薺卽可化堅爲軟從大便出又方多食

胡桃自化而出

胡桃與銅錢共食卽成粉可證

一誤吞鐵骨等物腸中不能轉送覺墜者多食青菜豬油則送入大腸與糞同出甚效

一誤吞黃金昔江應宿治一王姓者因事犯鹽院驚懼自吞黃金一二錢心中憤憤無可奈何少頃已獲正犯其事遂平因欲求生遍治不效迎宿視之四肢厥

冷六畝沈伏計無所出沈思銀工鎔金必用礪砂礪砂制金故也急市礪砂四錢爲末粥米分二次服下少頃煎承氣湯服利下礪砂裏金從大便而出或誤服金屑未死者用鴨血灌之可活

一誤吞鐵釘昔張景岳先生治一王氏子甫周歲其母以鐵釘與之玩弄不覺納之口中吞入喉閒其父號呼求救先生往視之但見其母倒提兒足以冀其出口鼻皆血危劇之甚先生曉之曰豈有倒懸可以出釘而能無傷命哉因速令抱正遂聞嘯聲乃釘已下咽不在喉矣其父曰嬌嫩之臟安能堪此先生因其

哀求之切不得不允姑以慰之然計無從出而逼索方藥頃刻再四祇得靜坐齋頭潛思熟計亦無所得乃取本草一玩覬啟其機見所載云鍼畏樸硝遂悟得一方用活慈石一錢樸消二錢竝研爲末付其父令以熬熟豬油加密和調藥末與之食于申未之頃盡吞之至次早其父匍匐階前曰昨于三鼓忽解下一物大如芋子瑩如萐菜潤滑無棱藥護其外撥而視之則釘在其中矣乃京中釘鞋所用磨菰釘也蓋硝非慈石不能使藥附釘慈石非硝不能逐釘速出非油則無以潤非蜜則未必吞合是四者則著者著

逐者逐潤者潤同功合力裏護而出矣

一誤吞銀用韭菜一把入滾水略煮不切斷淡食之少頃菜抱銀嘔出或從大便出

一誤吞釣鉤昔有漁人誤吞釣鉤劉遵導令溶蠟爲丸以綫灌下鉤銳入蠟卽曳而出

一誤吞水蛭

卽螞蝗

水蛭入腹經停日久復生水蛭吮呷

精血令人面目肌肉黃瘦每飲食下咽少時腹中攢攻且痒且痛不可忍不治必死用田中泥一塊小死魚三箇同豬膏鎔搗勻再用巴豆十粒去油淨同魚

膏四味搗勻丸如綠豆大用田中泥水空心吞下大

人五七九小兒三九須臾洩下蛭盡用八珍湯調理
一誤吞蜈蚣昔有婢用火筒吹火不知內有蜈蚣向火
一吹蜈蚣驚竄入口不覺下喉求救人無措手適有
人云取小雞一隻斷喉取血燉飲之復灌以香油取
吐蜈蚣隨出又金莊一農夫夏晝臥地熟寐閒蜈蚣
入其口既寤喉中介介然如梗狀咯不能出嚥不能
下痛痒不定甚爲苦楚一醫用雞卵打破入酒調勻
燉服仍以大黃爲末和麻油飲之頃刻洩下蜈蚣尙
活蓋蜈蚣被卵拘攣其足不能舒動以利藥下之故
從大便而出且雞性好食蜈蚣亦取相制之義也

承氣湯

大黃

厚朴

去皮炙

枳實

炙

右水煎燉服

八珍湯

通用
二十五

外科證治全書卷二終

外科證治全書

卷二 喉部證治